

山右石刻叢編

山右石刻叢編卷三十三

晉書地理志云晉書地理志云晉書地理志云

元

關氏世系碣

碑高五尺一寸廣三尺四寸二十一行行四十字字徑九分正書篆額失拓在平定州

賜進士出身從事郎晉寧路同知遼州事呂思誠撰

建昌路遼城縣監田廵檢嚴

升書

美州路壽陽縣尉昌之屏篆

平定南窯關昌與茅三都關甫順伯王姪子誠等率族

人來拜致辭曰關氏之先漢順帝時有為征南將軍興州刺

史諱遠者北朝將軍蒲陰侯琳生黃門侍郎禮禮生河

間太守惠度興州刺史豚昌黎太守法清豚生迺洛乾哲安

太安太之子祖悅白仁白鳥墓于千畝平魏武定八年碑也
勸生言言生社杜生進興進興之子府君 生文遠文則

文圭墓平東平原唐乾符咸通年誌也此而下不知越幾祀
而有諱瑄者三子曰一郎曰德曰成迨今凡八世矣某等實
此主族也一郎三子仲二子長曰璋璋三子曰榮曰仔曰世
安仔世安俱稱平定太守榮之子曰仲謙任彈壓官孫一人
曾孫三人仔之子曰仲賢掌摠領事孫三人曾孫八人世安
□子五孫曾孫八季生全全生佐佐六子二孫曾孫八一郎
之肖也德生定定二子曰德禮曰智德禮生春春一子二孫
曾六智二子曰義曰改義一子二孫曾五人改二子三孫曾
六人德之裔也成二子曰元曰聚元二子政其一信其次也
政五子曰用曰喜獲鹿縣鎮邊元帥金破死節曰慶曰添曰

五用一子二孫曾孫六慶一子三孫曾孫七添四子孫十二
曾孫二十六五子一孫一曾一信二子次日開開四子幼曰
武東三州將□捕□提領孫十二曾孫六聚四子幼曰貴貴
生瓊瓊一子四孫五曾孫成之成之子□□系列于碑

先生□之庶其昭穆不迷于後夫開氏之姓孟顓頊之苗裔
也夏時龍逢以諫死□周□為□□□以老子著名漢昭烈
將羽左右厥辟有國士之風□茲以降代不乏人究其世次
已不可知今女族有孫其孫曾乃至百數十人無所紀後有
興者固無以究厥從記之誠是也愚讀書學禮先塋之碑哉
不□□其亦有愧於□等大員紀焉以識吾過□曰

□默開氏

世有令人

昭□□□

由畝之□

□乎□木

□論□考

□□□□

期不□

考

□□□□

□後昆考

泰定元年歲次甲子冬月甲寅朔辛未日癸巳時立石

此關氏世系碣關勝碑今在千畝平碑云黃門侍郎禮生
冀州刺史勝今關勝碑作父猥疑後人就泐字開鑿致誤
重修潞州廟學記

碑高一尺四寸八分廣三尺五分四
十一行行二十字正書今在潞安府

重修潞州廟學記

前醴泉縣儒學教諭賈志道書

潞之廟學規模壯麗甲於它州其來尚矣自大德癸卯坤道
失常傾仆幾盡前政敬葺完之文石在焉迄今歷年滋久土
木之事不能無壞禮殿則簷疎瓦解賢廡則棟宇欹斜門墻
則堊塗剝落講授之堂肄業之齋無有完者僅庇風雨而已

泰定甲子奉議甄公祐賢來知是州下車之後見而知之語
諸同僚曰

方今大比興賢鄉舉里選責之守令廟學其人材所自出誠
不可緩也於是諸公僉協厥謀即勇于行訓工趨事施俸金
以助斧斤之費以秣米日給役衆之食公蒞政之暇躬董其
役至於五百莫不奔走從事庀工於秋八月竣事於九月疎
解者治之以固密欹斜者扶之以堅正剝落者塗墁以新之
戶屬楣欄黝堊丹漆粲然復新觀者為之改視工既畢謁文
以誌歲月良以學舊有記先儒文石具在辭不敢當其意益
勤遂諾而告之曰

欽惟

皇元統御萬方書軌混同天下文明春煦場屋上自京師下

遼路府州縣靡不有廟有學咸以教官主之有司存恤主領敦勸作養人材雖五帝三代而下漢唐以來未有盛於此時者也夫學校乃風化之源寔國家元氣相叅立政建官惟賢惟人所繫至重誠不可缺仍以述創修理為意前政興之公今述之其興述之功固有小大難易之不同比之視學校為不急之務者為猶賢乎已良亦嘉公用心有過人者不得不為一言雖然公之修理廟學非直為觀美也上體菁莪樂育之意以司風化為無負矣吾願居是鄉莅是郡者仰

聖賢之遺像誦

聖賢之格言深求所謂君子小人學道之義為人上者推廣愛人之念以撫其下若慈父之保赤子為人下者祇服易使之訓以奉其上如孝子之事嚴父上下相安風恬俗熙庶幾

武城弦歌之化復見於茲邑豈直為觀美哉於是乎書學正
李良記

泰定二年閏正月 日

郭伯堅 鄭彧 孫瑞 張汝楫 苗世瑩 史瑞

晉_寧路潞州吏目李德忠

徵事郎晉_寧路潞州判官哈散沙

承事郎晉_寧路同知潞州事耿禮

奉議大夫晉_寧路潞州知州兼管本州諸軍與魯勸農事

甄祐賢

承務郎晉_寧路潞州達魯花赤兼管本州諸軍與魯勸農

事忽都海牙

木匠作頭藥德誠秦思忠 石匠提控王思仁

同男王溫刊

校碑題前醴泉縣儒學教諭賈志道書碑言潞之廟學規模壯麗甲於他州大德癸卯坤道失常傾仆幾盡前政敬葺完之歷年既久不能無壞泰定甲子奉議甄公祐賢來知是州躬董其役粲然復新觀者爲之改視校年表癸卯大德七年甲子泰定元年相去二十餘年故以爲久也潞安府志儒學在郡治西南金申良佐興學賦云見之碑刻李唐以來已有之金明昌圓節度李晏重修毛麾記曰正殿中峙長廊翼舒殖殖其庭高門有伉殿次起堂以待橫經問道燕讀仁義中門東西兩序對爲廳事以俟謁奠之官更衣望揖至於生徒齋館貯藏庫廩一一備具莫不棟宇雄壯丹堊鮮華元初燬判官崔亶始建大成殿至元十

二年州守陳伯福增廣繕葺至正間知州張景嚴同知王思溫繼修按志所言與碑全不合碑以大德後葺完則非至元明矣又泰定時甄奉議續修始立此碑則不應略泰定而直言至正也種種訛謬豈別有所據耶又府志長治縣儒學在府學東明嘉靖間葛大紀建亦非碑所指之學碑之廟學卽謂府學惜府志不詳不得據爲證耳元史成宗本紀大德七年八月辛卯夜地震平陽太原尤甚村堡移徙地裂成渠人民壓死不可勝計碑卽指此地震一事後題學正李良記又有晉甯路潞州吏目李德忠徵事郎晉甯路潞州判官哈散沙承事郎晉甯路同知潞州事耿禮奉議大夫晉甯路潞州知州甄祐賢承務郎晉甯路潞州達魯花赤忽都海牙志均失收應据碑補以碑攷之甄

公以泰定元年來知是州有修廟學之功尤不可以不補
史公墓碑

碑高六尺一寸五分廣二尺六寸十
九行行五十七字正書今在河津縣

故河津鎮西帥史公墓碣銘

宣授平陽路提舉學校段菊軒先生撰

宣授奉訓大夫戶部郎中段輔書丹并題額

天地之道有五行天地備五行上下輯若瑞祥豐樂書曰初
一曰五行賦之於人曰五典人備五典曰中庸孔曰中庸
之為德也其至矣乎公性所賦者有五首拜

太師國王備行伍忠也犯鋒鏑出己粟活饑民仁也殺敵果
毅勇也類事而推之可謂半古之人也 公諱千世居河津
占上籍襟懷洒落顏貌堂堂粗知書過族姓多思當金季天

造草昧戈甲互興百役交征黎庶若朝砧夕鼎龍門吉鄉西
河東西巖岫壁壘林藪淵窟元惡渠魁晝煙夜火鋒鏑往來
屠戮遺民日騁無厭公甫冠恥其縱橫蒙桑梓賢俊楨幹敵
壘峙儲困倉敷甲冑敵干楯備弓矢鍛戈矛鏑鋒刃歲荐饑
饉撫罷靡察字旄倪輒分已食以遺之凡遇寇敵越先驅適罔
計害利由是一方虐解而稍蘇口保其業 太師國王南下
公歸拜授鎮西帥佩以金符時庚寅

太宗英文皇帝車駕渡西取鳳翔略漢川破河南 公多勤
略癸丑府檄欽奉

綸言領平陽太原士卒藩戍關中俾副京兆尹田雄載祀倦
于勞告老還鄉里口園自足每以故人閑適爲樂享春秋七
十有二終于家娶陳氏歲餘而終再娶張氏王氏完顏氏呼

延氏生四子長承慶浮山令王氏出次嗣立張氏出承宗職
居河津令次日用禮完顏氏出管河津諸軍與魯次至德呼
延氏出監河津課女子一歸平陽蕭侯子紀曾高嘗曰吾家
東人之子因仕處龍門日月悠遠世系遺毀曾高名諱不可
考焉祖諱簡配寺庄吳氏亡金官階忠翊校尉慮遠識明導
北山水圃畦毓叔至今民賴其利父諱真配故鎮陳氏史氏
之後繩繩螫螫必昌必達可謂忠翊公之初基鎮西帥之成
構子孫衆多書煩略闕圖列碑陰來謁辭者孝男史承慶敢
告勿替引之以銘焉

史氏華宗出自美東因官居龍門之邑忠翊尉積留善慶
鎮西帥振起前功姑射蒼山之下序昭穆而崇封疇昔之
時龜筮協同今勒銘告于厥後兢兢踐履勿壞芳蹤

時泰定乙丑年九月壬戌曾孫史恒□□立石

師村張彥通刊

按碑題宣授平陽路提舉學校段菊軒先生撰宣授奉訓大夫戶部郎中段輔書丹并題額吳澂二妙集序仲氏諱成己字誠之人稱菊軒先生虞集段氏阡表成己登至大進士第主宣陽簿及內附朝廷特授提舉學校官與碑合以二妙集序及段氏阡表考之成己雖受提舉平陽學校之命竟不復仕而至元四年霍州新遷廟記碑至元十七年絳陽節度使靳公碑成己結銜皆有提舉平陽學校字故舊通志云成己爲平陽路提舉學校以老去與吳澂虞集文不合按段成己撰河中廟學碑新和碑霍州學碑署銜皆曰宣授平陽路提舉學校官廟學碑又有前進士三字似終未赴官者通志所云不足爲據 段輔見元史本紀致和元年二月己

丑曹元用吳秉道虞集段輔馬祖常雅奇富珠哩朮並兼經筵官稷山縣志歐陽應丙讀書堂記元統三年大參段

公至湖廣又云大參公曰段氏推其先可考者凡十有一世粵自幼學及壯起家辟中臺掾應奉翰林文字除三臺御史僉中書右司遷詹事院判太常爲國子司業夏官郎中改天官升侍郎參議政府貳憲浙東繼授江東持四川節召奎章學士再侍經筵尋命禮部尙書以有今官年六十餘又段氏阡表泰定四年秋天官侍郎段輔出其先世遺文示集元史呂思誠傳盜殺河南省臣以僞檄呼廉訪使段輔入行省事元史延祐三年十二月有監察御史段輔按元史至元五年十一月戊辰開封杞縣人范孟反僞傳帝旨殺河南行省平章政事伊嚕特穆爾此輔至元五年爲廉訪使之證按輔元史無傳所泣官略見讀書堂記及元史紀傳無爲戶部郎事碑立泰定乙丑系泰定二年讀書堂記由夏官郎

中改天官升侍郎以此碑證之則輔未改吏部前嘗爲戶
部郎可補諸書之闕碑言公諱千世居河津當金季龍門
吉鄉西河東西元惡渠魁晝煙夜火屠戮遺民日騁無厭
公恥其縱橫燕桑梓賢俊楨幹敵壘峙儲圉倉鍛干矛礪
鋒刃歲薦饑饉撫疲瘵字旄倪輒分己食以遺之太師國
王南下即穆呼哩拜授鎮西帥佩以金符時庚寅太宗英文皇
帝車駕渡河西取鳳翔略漢川破河南公多勤略按元史
太宗紀二年庚寅秋七月帝自將南伐拔天成等堡遂渡
河攻鳳翔三年辛卯春二月克鳳翔四年壬辰正月庚寅
圖類渡漢江甲午次鄭州丁酉圖類及金師戰鈞州之三
峯大敗之三月帝還蘇布特守河南五年癸巳正月金崔
立以南京降續通鑑是年五月蒙古取金中京此卽碑所

云取鳳翔略漢川破河南事碑又云癸丑府檄欽奉綸言
領平陽太原士卒番戍關中俾副京兆尹田雄按癸丑憲
宗三年元史田雄傳癸巳授鎮撫陝西總管京兆等路事
京兆總管例兼京兆尹傳又言定宗時入覲卒於和林則
史公副雄必非癸丑以元史證之卽癸巳元太宗滅金之
次年碑誤巳爲丑耳碑云載祀倦於勞告老還里春秋七
十二終於家娶陳氏再娶王氏張氏完顏氏呼延氏四子
承慶浮山令嗣立承宗職河津令用禮管河津諸軍奧魯
至德監河津課女一歸平陽蕭侯子紀祖諱簡配吳金忠
翊校尉父諱眞配陳河津縣志史遷鎮西帥卽史公今搨
本作干縣志作遷子三長慶浮山令次承宗河津令悉載
干澗村碑記季用禮管河津諸軍奧魯按縣志皆据此碑

碑明言公四子而縣志漏其一疏舛甚矣

成湯東廟記

碑連額高五尺廣二尺三寸七分十一行行四十一字正書額題新修成湯廟記六字篆書今在陽城縣析城山

大元澤州陽城縣新修成湯東廟記

監察御史□□淮西江北道肅政廉訪司事宋翼撰

進士本縣孫德昌書丹

進士河內王時中篆額

陽城漢之濩澤縣也土瘠民淳儉而好禮不經之祀紀而弗尚縣之西南界析城山圖經相傳王禱旱於斯宋熙寧九年請雨有應十年封析城山山神為誠應侯政和六年四月特賜廣淵之廟為額誠應侯可特封嘉澗公宣和七年命有司與而新之故民倣於縣治東西社祀為兵餘正殿僅存歲月

滋久弗除風雨庭宇湫隘具近閭閻曷稱王居至元之廿有
二年贈中奉大夫廣東道宣慰使都元帥高平郡公邠州知
州鄭甫故金紫光祿大夫平章政事潞國忠肅公之介弟也
偕耆儒王郁等二十有四人經營進士趙庭式及劉亨等
捐廟後隙地而高平公之子中奉大夫廣西兩江道宣慰使
都元帥昂霄伯郁之子長曰日來次宣撫幕官汝楫繼志述
事倡義戮力剷穢夷高堙塹妖閔棟宇階室之廣三倍厥初
以至元二十五年十月望日落成□元貞之□高平公復捐
俸金鳩工召役建戟門三間中奉君時長萬夫鎮武昌大德
甲辰二月自鄂以楮幣伍伯緡鄉里人張全成秀元良張通
等建析城三神高禩祠于翼室泰定元開甲子君與長平宋
與相選于京師介鄉儒衛元凱屬文諸麗牲嗚呼湯見于書

經聖人定後世文士豈容置喙於其間哉故書其實俾以入石云是年四月朔記

泰定二年九月吉日本社王仲祥 王之才 樂受昌
衆社人等立石

助緣河東道書吏本縣王國綱

司吏緱澤 武善 吳元振 延陵思敬 張世英
務副樂有實

前提領劉覲

大使劉若愚

三務提領郭脫脫木兒

陰陽教諭吉善

儒學教諭孫士元

典史王鍾

晉寧路陽城縣尉劉禮

進義副尉晉寧路陽城縣主簿智公元

承事郎晉寧路陽城縣尹兼管本縣諸軍與魯勸農事路友讓

敦口校尉晉寧路陽城縣達魯花赤兼管本縣諸軍與魯勸農事朶烈海牙

中奉大夫前廣西兩江道宣慰使都元帥鄭昂霄

匠石提控潞州王思仁同男王溫

南黃李仲同弟李瓊刊

校碑題監察御史 淮西江北道肅政廉訪司事宋翼撰
進士本縣孫德昌書丹進士河內王時中篆額 咸陽元愈

太常禮儀院事宋公墓碑至治二年升修撰俄拜內臺御

史泰定元年僉淮西江北廉訪司事

內臺即監察御史稱內臺者以別江南陝

西二行臺

與碑題銜合陽城縣志孫德昌元泰定甲子進士碑

言宋熙甯九年請雨有應十年封析城山神爲誠應侯政

和六年四月特賜廣潤之廟爲額誠應侯可特封嘉潤公

宣和七年命有司興而新之云云見宋嘉潤公廟碑宋碑

多泐可据此碑補碑又云至元二十二年贈中奉大夫廣

東道宣慰使都元帥高平郡公邠州知州鄭甫故金紫光

祿大夫平章政事潞國忠肅公之介弟甫見袁希耿故忠

昌節度使鄭公碑少男甫見任陽城令碑又云子中奉大

夫廣西兩江道宣慰使都元帥昂霄陽城縣志昂霄鼎從

子以碑考之則甫之子所云潞國忠肅公者即鄭鼎是元

本傳贈中書右丞諡忠毅
後追封濟國公諡忠肅

鼎事憲宗賜名曰伊克巴圖

原作

也可

中統元年以功遷平陽太原兩路萬戶二年遷河東

拔都
南北兩路宣撫使三年改授平陽太原宣撫使至元三年
遷平陽路總管七年改食書西蜀四川行尙書省事十二
年四月改授淮西宣慰使十四年改湖北道宣慰使鎮鄂
州五月戰樊口溺死碑言廟以至元二十五年十月落成
至元貞之元年中奉君時長萬夫鎮武昌大德甲辰二月
自鄂以楮幣五百緡云云此元貞年昂霄已以萬戶鎮鄂
之證縣志昂霄附從子襲萬戶順元土官朱隆濟弄兵從
分省進擊功爲多由明威將軍進懷遠大將軍延祐元年
遷定遠大將軍戍廣西泰定二年廣西徭賊大起詔昂霄
督師洞寨皆降天厯用兵拜湖廣行省參政改行副樞職

於偃師西兵數敗復湖廣參政征蜀抵播州石虎關蜀道
通辭疾不允卒續通鑑致和元年九月有湖廣參政鄭昂
霄天歷二年二月癸巳大都樞密院言囊嘉特阻兵四川
請命鎮西武靖王緯斯班等皆調軍以湖廣行省官托歡
集賽博囉及鄭昂霄總其兵進討據縣志昂霄爲湖廣參
政在成廣西後然則泰定二年前昂霄正爲廣西宣慰也
碑云泰定元開甲子君與長平宋翼相遇於京師按宋公
碑泰定元年僉淮西江北廉訪此文蓋在除官後未泄任
時作末題是年四月記碑有衛元凱耆儒王郁進士趙庭
式劉洎郁子長日來次宣撫幕官汝楫皆可爲考晉故者
之助縣志趙廷式元延祐戊午進士王汝楫泰定年宣撫
司經歷衛元凱元統癸酉進士碑末所題官有陰陽教諭

吉善儒學教諭孫士元典史王鯁陽城縣尉劉禮進義副

尉陽城縣主簿智公元承事郎陽城縣尹路友讓敦闕校

尉陽城縣達魯花赤朵烈海牙並見縣志友讓作有讓至治三年任劉禮

同朵烈海牙士元公元皆注泰定四年任與此碑泰定二年立不合又碑題中奉大夫前廣

西兩江道宣慰使都元帥鄭昂霄碑立泰定二年九月此

昂霄以是年鎮廣西之證元史本紀元貞元年併左右兩

江宣慰司都元帥府宣撫司爲廣西兩江道宣慰司都元

帥府與碑題昂霄官合碑見通志金石記

米山宣聖廟碑

碑連額高三尺六寸二分廣一尺九寸二十三行行三十
七字正書額題宣聖廟記四字篆書今在高平縣東十里

有元澤州高平縣米山宣聖廟記

前監察御史儒林郎准西江北道肅政廉訪司事宋翼

撰

鄉貢進士恒山牛口學書

儒學教諭龍崗口貞篆額

明道先生歿幾三百季澤潞里館歲旺淫祀而嬉優伶才乏

俗澆識者興嘆由金源而來廟貌僅存者九而已向翼教授

懷孟北歸始記勾要召為應奉翰林文字又記金山繼為修

撰又記河西竊喜吾鄉士人可與為善復嘆今之守令無循

良以興起之也

英廟臨御

制詔臺察歲舉守令延祐七年澄城簿郭質來宰是邑政治

大行惟善以教稽之大復米山等五十九里之文館像

聖揭虔光輝盛德如瞻前仰高于附里也泰定元開甲子

皇上肇開經筵賜進士以公服之眷翼以御史出僉淮西風
紀歸展先塋于高良米山里人牛用張順趙良輔牛忠牛信
郭祥趙世傑等曰吾里雖陋家計之餘三百今尹興學耆倡
歸從肖

聖人天公并繪十子于正室以待禮奠敢請記諸麗牲以示
不朽噫

聖天子崇儒重道于其上賢百里承流宣化于其下凡為人
之子弟者當念

在上之恩朝夕黽勉從事于經希賢希聖出則忠國處則孝
家則鄉校為不虛設矣若夫街詞章微利達孜孜于趨時非
翼之所敢知也既以荅用等俾入于石用諗方來且以識程
子之後有能其道者以脩太史氏傳循吏之張本云質字

彥文真定人是年七月日記

晉_寧路高平縣典史郭忠

晉_寧路高平縣尉劉信

將仕郎晉_寧路高平縣主簿張仁

承事郎晉_寧路高平縣尹兼管本縣諸軍與魯勸農事□

□

敦武校尉晉_寧路高平縣達魯花赤兼管本縣諸軍與魯

勸農事任普

泰定二禩冬十一月上泮四日立石

石匠禮門□石

按碑題前監察御史儒林郎僉淮西江北道肅政廉訪司

事宋翼撰鄉貢進士恆山牛關書儒學教諭龍岡關貞篆

額按歐陽元同僉太常禮儀院事宋公碑諱翼字雲舉歷
官翰林應奉文字同知制誥至治二年升修撰俄拜內臺
御史泰定元年僉淮西江北廉訪司事與碑合一統志程
顥河南人治平中爲晉城令民稅粟多移近變載往則道
遠就糴則價高顥擇富而可任者預使貯粟以待費大省
民以事至縣必告之以孝弟忠信度鄉村遠近爲伍保使
相助卹姦僞無所容孤癯殘廢者責之親戚鄉黨使無失
所行旅疾病皆有所養鄉必有校暇時親至召父老與之
語擇子弟之秀者聚而教之鄉民爲社會爲立科條旌別
善惡使有勸有恥在縣三歲民愛之如父母碑云翼教授
懷孟歸始記句要館召爲應奉翰林文字又記釜山館繼
爲修撰又記河西館以宋公碑考之弱冠以茂異除大都

路學正進

闕

山教授遷懷慶主永甯簿陝西行御史臺辟

爲掾延祐二年以翰林國史院編修官召進應奉翰林文字同知制誥至治二年升修撰皆可與此碑相參證澤州府志第五都有句要里第十都高良東里舊釜山西里第二十六都有河西東里河西西里碑所云句要諸館者皆指文館言碑又云英廟臨御制召臺察歲舉守令延祐七年澄城郭質來宰是邑政治大行興復米山等五十九里之文館澤州府志元高平縣尹郭質真定人秦定間任以扶善類懲治豪暴爲首務復程明道鄉校七十餘所滿縣絃歌築隄障水植柳於上以蔭行路至今號郭公林立祠祀之然則質亦元之良吏也又府志米山

縣東南十里

先聖廟

元延祐間知縣郭質建與碑合太平寰宇記澤州高平縣

米山在縣東一十里趙將廉頗積糧此處米山得名當以

此碑又云秦定開元甲子翼以御史出僉淮西與宋公碑出僉淮西

年合歸展先塋於高良按宋公碑世居澤之高平高良里亦

見府志碑以應米山人牛用等之請而作碑末所題諸官

有高平縣典史郭忠高平縣尉劉信將仕郎高平縣主簿

張仁承事郎高平縣尹闕當卽郭質敦武校尉高平縣達

魯花赤任普府志高平縣有縣尹任普卽其人碑立秦定

二年十一月碑見通志金石記

段干木祠堂記

碑連額高六尺二寸三分廣二尺五寸七分二十六行行

五十四字正書額題重修段干木先生祠堂記千字篆書

重修段干木先生祠堂記

今在西城縣段脚村

朝列大夫河東陝西等處都轉運鹽使司裔孫段禧撰

奉訓大夫河南府路陝州知州兼本州諸軍與魯勸農事
解居仁書丹

承事郎解州芮城縣尹兼本縣諸軍與魯勸農事蒲機篆
匹夫而藪萬乘之君逸居而遺百代之名非胷中所蘊大過
於人孰能與此若箕穎之巢由首陽之夷齊邈乎不可及已
東周以降雖不逮古超然肥遯之士絕世獨立長往不顧其
志節可尚者固亦有之而我

段干木先生為之最易曰不事王侯志可則也 先生以

之先生與魏文侯同時文侯戰國之賢君言行亦多可取尊
儒好士禮意亦至而乃峻拒遠避若將浼焉何邪蓋文侯德
業雖隆不能免蔑君之謂才智雖美適足為竊國之資望望

去之豈以是歟然其卷懷有道遜默保身含章保晦人莫窺其際也嚮使不出乎此碌碌合污俯首以就功名不過為李克翟璜而已矣安能流芳千載使鄙夫賤婦猶知歆慕在在立祠嗣_膺奉祀愈久不替也哉嘗記兒時處齊河郡邑讀孟子書至踰垣避之之語有先大夫指之曰吾遠祖也汝識之恨方童騷未解請其詳稍長而歲時拜掃先茔仰瞻其碑亦曰段干木之裔惜不載其鄉土至治癸亥承乏河東漕倅挈家之官取道京洛抵陝濟河而北距漕治一舍而宿于安邑之下段偶詢名地之由於主人對曰是邑民聚之落名段者二故以上下別之皆

段干木先生之舊隱也古有祠宇遺跡尚存聞而驚喜急往謁之則為黃冠所據求索碑誌斷裂陸沉矣悵然久之而退

翼日赴任受職休沐之暇問途以訪上段有祠在其南至元之末縣教諭張偉子奇文以記之云唐大曆間段咸義者創之金季毀于兵宗人名福者繼修之欣幸同族有人召致偕祭而反明年泰定改元分部河南監禁道出芮城館於縣廨屏繪其境地圖起而觀之東西近郊表題

段干木之祠三一在東張一在神林一在段邨詰旦按圖厯詣其所東張之祠亦厠宗聖觀側神林暨段邨者僅有故基而已神林之基壞碑傍仆字畫剝蝕漫不可識段邨之基密邇民廬而段族寔繁諸段迎勞甚勤接語歡洽如素親暱置酒邀飲序齒列坐觴行一再揖而告之曰吾祖廟食於安芮兩縣者凡五其二委諸道流推

吾祖介潔之操豈肯苟歆非類惟上段之祠始終興作出於

段宗而世守其祀為無憾顧茲廢址興復無人寧不愧乎禧
幸奈末屬叨官鄉郡不有倡率責其可追敢謀共構新祠春
秋合集宗人以時薦享報本附遠莫此為急惟父若兄允石
謂何衆咸悅諾留宿而別是夏北還課務日迫欲畢前圖則
未遑及但遺書諄囑屢矣三年春秋滿而祠已告成諸段之
力是賴涓日來謝且落之位 先生而安其靈一二耆壽

命為辭刻石俾後世有考也義不可讓因論古今皆知

先生之高而未知其所以高者冠其端俚俗所談傳聞鄙說
容有失實者皆不書口詳記經營始末綴其後諸段哀助木
石甃甃之費督視佐佑工役之勞具列于碑陰系之辭曰

彼畝不仁 厥後無聞 或沒避世 嗣續弗替 天地

有終 先生之祀無窮

昔大元國泰定三年歲次丙寅三月乙巳朔初四日戊申
裔孫純陽宮提點兼管河中府道錄段道祥等立石

古桐石匠張信刊

按碑題河東陝西都轉運鹽使司裔孫段禧撰河南路陝
州知州兼本州諸軍與魯勸農事解居仁書丹解州芮城
尹兼本縣諸軍與魯勸農事蒲機篆通志金石記段干木
祠堂記段禧撰在芮城縣段邨邨今芮城縣志有此文其
與今搨本微異者如豈以是歟然其下志卽逕接含章深
晦人莫窺其際搨本則多卷懷有道遜默保身八字搨本
兒時處齊河郡邑句縣志則作兒時處河間郡應皆以搨
本爲正以碑文考之禧以至治三年爲河東漕卒泰定改
元分部河南道出芮城觀縣圖表干木之祠有三一在東

張一在神林一在段邸段邸之基密通民廬諸段實繁因
與謀構新祠三年秩滿祠成爲辭刻石以記文清倅考之則禧
富爲轉運司同知副使之類以至治三年泄晉大定三年
秩滿可補今運城志之闕元史地理志陝州隸河南路芮
城志蒲機興元進士元史地理志與元路隸陝西行省知芮城廉明剛正
吏畏民懷罷修池之夫革石榴之貢開墾荒蕪全活逃亡
則亦元之能吏也碑見通志金石記

夾寨詩

碑高一尺八寸二分廣二尺三寸
二十行行十六字今在長治縣

夾寨詩

朱氏英聲振并門意氣揚兩雄爭裂土百戰競國王口歎惟
震晉耽口已噬唐大河分背面上黨扼咽喉地利知爲勝人

心彼未遑重園誇壁立夾寨逞虹張埔道便輸饋游兵勁絕
糧蒙衝窺女堞鈎戟伺郿塢岫峙培山峻環回列壘長力攻
須陷沒堅拒倚金湯墨帶推才妙班斤銜伎良萬夫橫劒刃
一敢墮夷傷野草塗肝腦貪心怒虎狼嘶鳴霄遁馬威槩字
郢郎戈甲從誰息功名漫自狂逡巡稱五代合沓闢千場此
後連吞并於時旋覆亡昔年勞戰陣今日舊城隍耕澁枯骸
白風腥鬼火光營基繁井室濠坎密榆桑忍殺天還厭陰欺
嗣肯昌驅除期出震草昧在開皇真主臨綿字華胥正樂康
廓然文軌至海外截封疆

明道二年四月四日蘇舜欽書

大元泰定五年三月□日□□樵究重立

按碑刻夾寨詩五言長律一首末題明道二年四月四日

蘇舜欽書元泰定五年三月

闕

樵究重立校詩爲孫冲撰

見潞安府志宋史蘇舜欽傳字子美參知政事易簡之孫父耆工部郎中直集賢院舜欽以父任補太廟齋郎調榮陽縣尉尋舉進士改光祿寺主簿知長垣縣遷大理評事監在京店宅務康定中河東地震舜欽詣匭通疏范仲淹薦其才召試爲集賢校理監進奏院會進奏院祠神用公錢召妓樂魚周詢等劾奏下開封府劾治除名二年得湖州長史卒善草書每酒酣落筆多爲人所傳按舜欽爲人及詩文歐陽文忠所爲銘序極稱道之此書亦自可愛又續通鑑攷異景祐元年舜欽登第

景祐元年卽明道二年之次年

授光祿

主簿知蒙城縣按舜欽棄榮陽尉而就舉此碑立明道二年在棄榮陽尉後未登第前五代史梁開平初遣李思安

圍嗣昭於潞州思安築重城於內以防奔突外以拒援兵
謂之夾寨新五代史記開平二年五月己丑潞州行營都
虞候及晉人戰于夾城敗績後唐莊宗紀周德威自亂柳
還軍太原王謂將梁人幸我大喪謂我新立無能爲也宜
乘其怠擊之乃出兵趨上黨會天大霧晝冥兵行霧中攻
其夾城破之梁軍大敗凱旋告廟校夾寨之捷實爲奇功
張唐猶梁此其朕兆後人題詠至多此詩允推巨擘矣以
元史攷之泰定五年十二月庚申改元致和此碑立三月
故仍書泰定

慕容永廟碑

碑高二尺七寸六分廣一尺七寸五分二十六
行行三十九字正書今在壺關縣南城頭村

晉寧路潞州壺關縣紫團鄉北城頭村剏修慕容廟記

鄉貢進士百尺李晦克明撰文并書丹

尊王而不尊霸報德而不報功豈理也哉傳言有功於民則祀之以勞定國則祀之義不白乎若□

慕容者世本戎□自先代遷□□西棘城始號為慕容部至
皝於成帝之時初封燕王其勢寢盛傳位數世遂得割據偏
□妄自稱帝□□甚焉至於用兵爭強以力相勝有功斯世
其褒崇之也宜矣故立廟以祀之廟在壺關紫團鄉北城頭
血陽峯之上舊焉不知其幾何而廢遺址尚存居民有欲完
復者多矣惟鄉豪司仁天資_○朴秉性溫和能興廢補弊為
所務率鄰里之要而營緝之其於□寢之傍增修太尉廟一
間經始於延祐七年之正月落成於至治元年之十月衆復
議曰廟既□矣丹楹刻桷彫牆峻宇然而無像設之嚴則小

人有多不知其敬畏者里人郭旺司吏郭泰鳩其工司才司
□□□德郭□司顯董其事司侃張貴司忠司良□億助其
力心計手畫胚胎形質備袞冕具侍衛不期月而成之繪像
甚盛金碧駭目使人皆有所瞻依工既訖功司仁郭旺等遂
約予為記以□歲月予亦辭其不敏再三固請度不可以終
辭故為書之嗚呼昔為榛蕪瓦礫之區今則以為祈禱祭享
之所□若衆慮之不協何以得臻於此是歲大旱連延百有
餘日河東之地皆不熟民飢而死者不可勝數惟此鄉之內
油然而雲沛然而雨其秋大成家多□□既庶且富力乃有
餘神之靈有驗於□□□福有賴於神是雖幽顯不同而相
感應如此□季氏旅於泰山聖人直斥其非禮今日感應者
何也然則聖人之意以謂神不享非禮雖祭無益然而山川

之望固郡守之職所當兼以其地旁而不口口口既不口口
時致口則虛神惠矣記曰雖有惡人齋戒沐浴則可以事上
帝謂凡民不可以事神不口也惟在於口敬潔而已詩曰神
之格思不可度思矧可射思又敕夫後世事神始勤終怠者
也況此一方地靈人秀風口口美定知禮讓又聞相警之言
乎故撰其事乃刻諸石以取信於來世

鄉貢進士太口楊振篆額

大元致和元年歲次戊辰八月初四日

維那司口 維那司寶 維那司和 司良 司贊 司

萬 司彥 司福 司岱 劉口 李玉 司九

維那口巨郭旺維那郭珏 維那田口 張定 田兆

郭通 郭小口 郭口 郭全 楊椿 郭溫 張德元

維那田廷 維那司顯 維那司口 口信 司口

司五 司泉 司從 劉廣 口口 楊昶 田仲

維那郭泰 維那主首郭德 維那郭明 郭口 田進

郭順 郭玉 郭忠 田呈 田從 司仲 張嵩

維那司才 維那司保 維那張貴 郭誠 司廷 司

通 司九 司口 郭口 李忠 郭昶 張高

維那田億口 維那郭用 維那許德口 郭口 田小

四 郭廣 郭壽 郭口 司口 李用 劉川 楊順

那沙口庄宋 賈家庄賈贊 口家口趙寬 塔地堰

庄董善 田整

施石人宋口 宋貴 宋口

石匠黃山王寶刊

校碑題鄉貢進士百尺李晦克明撰文并書丹壺關縣志
元時舉人有李晦者應卽其人慕容廟碑見通志金石記

廟祀西燕慕容永碑標目晉甯路壺關縣紫團鄉北城頭

村勸修慕容廟記前署鄉貢進士百尺李晦克明撰文並

書丹後書大元致和元年歲次戊辰八月初四日立石與

今搨本並同

記又云是年九月太子阿速吉八改元天順未諭月文宗立又改天歷

晉書載

記慕容氏自號始大居遼西棘城以晉成帝咸康三年僭

卽王位碑云號於成帝時封燕王與載記合其西棘城上

所闕字据載記知爲遼字又載記垂破翟釗還議征長子

諸將咸以慕容永未有爵垂不從大敗永師永奔還長子

進圍之永將賈韜等潛爲內應垂入城獲永數而戮之通

鑑永以孝武帝太元十一年十月進據長子卽皇帝位改

元中興至十九年八月爲燕兵所執斬之然則前後僅八
年耳壺關之有廟蓋亦以據其地故也碑稱廟在壺關紫
園鄉北城頭皿陽峰之上壺關續志益陽山在縣東南六
十里山下有行頭村古益陽城在焉故又名城頭世俗謂
此山居太行之首遂有其稱疑非蓋卽後魏壺關縣所治
之潁陽岡也括地志後魏壺關縣當羊腸坂羊頭山之阨
然則行頭乃羊頭之訛益陽則潁陽一聲之轉也山上有
三嵎廟又有慕容祠俗傳慕容永避暑於此志又辨云縣東南六十里有皿陽山山下有城頭村舊志所謂慕容永所築之益陽城者益陽皿陽當是潁陽之訛以碑攷之則潁陽訛爲皿陽元時已是矣竊意皿又當益字之半故得有兩稱焉太平寰宇記壺關縣古黎國

之地漢爲縣屬上黨郡山形似壺於此置關故名壺關今
潞府所理城是也漢末董卓作亂以上黨郡移理於此後

魏宣武二年移壺關縣於潁陽岡卽今縣理隋開皇十六
年分壺關縣置上黨縣大業三年省入上黨唐武德四年
又置據此則皿陽改爲潁陽較合金史地理志壺關有紫
團山通志紫團山在縣東南一百里高二十五里盤踞二
百二十里連太行山接林縣界古紫團真人修真地
又縣志紫團鄉在縣東南四十村歷攷諸書則紫團鄉固
卽以山得名皿陽應作潁陽方爲典據而城頭者卽今之
程頭村是也慕容避暑之說固爲俗傳而其築城於此以
阨險隘後人立廟祀之固不爲侈碑後有鄉貢進士楊振
篆額按此碑壺關前志未收續志備載其立碑年月均與
此同而篆額人亦不錄今搨本獨未漫漶可寶碑又有廟
成大旱元史五行紀至治元年大同旱三年冀甯大旱致
和元年廣平彰德等郡旱而不及潞州可以据此補史之

闕

五龍廟禱雨感應記

碑高三尺三寸廣一尺八寸二十
行行四十六字正書今在長治縣

感應之記

將仕佐郎晉_寧路上黨縣尉張惟_寧篆額

鄉貢進士郡人籍敬書

大元泰定四季歲次丁卯夏巳季矣恒暘為沴禾黍欲稿民
庶皇皇殆無生意蔚公士行知潞州事時則有若達魯花赤
禿干帖木兒同知完顏儀判官聶思恭暨上黨縣達魯花赤
楚閫縣尹宋惟儼主簿王恭公慨然謂之曰天既惜雨民將
若何宜禮山川走羣望衆皆曰唯唯遂謹齋戒詣靈宇車未
旋而雨應時六月十四日也越十有八日乙酉又雨厥後屢

雨故率豐而穀登迨天曆元季歲戊辰秋七月不雨越十有九日己卯公禱之即雨後口屢雨歲則大熟至於冬十月經值西兵明年春正月天又不雪民遂瘡痍越廿有一日己卯公禱之即雪浹洽乎大田遂興乎東作上黨縣尹張仁輔行焉至於夏四月旱虐又熾豆麥乾死穀種不下越十有九日丙午公先命上黨縣達魯花赤帖木兒不花敬禮神水遂與同知完顏儀州判冉大季吏目牛闔上黨縣尉張惟寧典史鄭忠潔牲醴詣祠而祭焉越廿一日戊申甘澍大作自茲以來雨暘時若連城接境優渥霑足白叟黃童欣然相慶以謂自今以始歲其有于胥樂乎足以起吾之瘡痍乎郡民韓順等因友人皇甫世傑為先容以公之偉政來命予記植石於麗牲之所傳之不朽不夷可乎辭不獲已請以祀神之遺告

之昔季路問事鬼神孔子曰未能事人焉能事鬼蓋人與神
一而二二而一者也能事乎人所以能事乎神也人乎神乎
果同異乎視之而不見聽之而不聞乃以為異也一而二也
及其格思也肝蠶布寫洋洋乎如在其上如在其左右體物
而不可遺乃以為同也二而一也所以能一之者不過曰誠
而已誠無不動故也不誠無物未有能動者也如蔚公之事
神其誠矣乎此所以禱而應感而通也則平日之事人而為
政者尤可見矣嗚乎後之為郡者當以蔚公之心為心而斯
民不得其所若^括不加省獨不有愧於心乎公諱恕士行其
字也太原人天^曆式年六月吉日上黨縣儒學教諭李章記

忠翊校尉晉^寧路潞州判官冉大年

承務郎晉^寧路同知潞州事完顏儀

奉訓大夫晉_寧路潞州知州兼管本州諸軍與魯勸農事

蔚恕

達魯花赤



南董石匠提控王海刊

按碑題將仕佐郎晉甯路上黨縣尉張惟甯篆額鄉貢進士郡人籍教書惟甯教並見潞安府志碑言泰定四年夏恆賜爲診蔚公士行知潞州時有達魯花赤禿干帖木兒同知完顏儀判官聶思恭暨上黨縣達魯花赤荃閭縣尹宋惟儼主簿王恭

潞安府志作王泰

云云按自禿干帖木兒以下

悉見府志官與此碑同碑又云天厯元年歲戊辰七月不雨公禱卽雨至於冬十月經值西兵元史文宗紀天厯元年九月戊子陝西行臺御史大夫額森特穆爾引兵從大

慶關渡河擒河中府官殺之十月乙未湘甯王巴拉實哩
引兵入冀甯癸卯額森特穆爾軍至晉甯本路官皆遁校
元潞州隸晉甯時雅克特穆爾援立文宗於大都而陝西
行臺軍猶爲上都力戰故潞州有西兵之擾碑云十月經
值西兵卽其事也碑又云明年正月天又不雪公禱之雪
上黨縣尹張仁輔行焉仁見潞安府志上黨縣尹天厯二
年又見米山宣聖廟碑碑又云公諱恕士行其字太原人
與府志合碑以天厯二年夏禱應而立末題天厯二年六
月上黨縣儒學教諭李章記所題諸官有忠翊校尉潞州
判官冉大年承務郎同知潞州事完顏儀奉訓大夫潞州
知州蔚恕又碑有典史鄭忠爲府志所未載碑內判官聶
思恭至順三年五月以承事郎爲高平縣尹見王謙高平

縣歸正學田碑又見平定州志碑見通志金石記

警宵亭記

碑高二尺三寸三分廣二尺三寸二十九行行三十一字正書今在壺關縣

天下之事無一物而不窮其神見而知之者巨細悉舉聞而知之者疑信而半聖人約魯史以作春秋未免闕文司馬遷修史記尚有歉辭大抵有一物而述□□□物何述焉抑斯警宵亭見之矣泰定四年三月公以壽陽尉來壺關守官未朞百里咸歌四方迺治敬事尊賢安老懷幼禦寇^字奸利用出入而自息也暇日登臨而望龍溪倚西北之奇鳳凰翔東南之美積水環城林樹□蔚然市井依□必有忠信共處視其所以謂左右告之曰是昔者高亭故基也慨然有新作之志近城□木不勞於民良匠獻功弓兵赴役瓊甍之類以俾

金易之興建於泰定丁卯夏落城於天曆己巳秋層臺爽目
高出雲霄遠接乎黃道迤邐乎紫微助春光重簷倒影鷗鴨
沉浮迎秋日彩櫓插天鴈鴻側度觀其華麗粧點壺林一新
景耳公親書其額曰警宵衆曰為此者肅齊軍政嚴整弓兵
威伺暴客聲振姦邪施號令司昏曉擊鍾拊鼓剗點分更則
警宵之謂□之不然偶以詩序出之有□言江上景未必若
壺闕之句衆皆說之能□□□成車當此之時公之與同
僚縣尹□孫達卿主簿劼思恭典史劉搏霄及會東巖隱者
秦文德等講論書史明□知格物之理及熙寧靜軒記以靜
禦□之說不以物欲撓乎心者易繫辭曰天尊地卑乾坤定
矣卑高以陳貴賤位矣動靜有常剛柔斷矣□□謂專以靜
為□動者□何用靜與動不失其時其道光明如古之人巢

乎深山釣乎野水或耘之田或築之巖四者真靜固守一旦
而加諸上位誠以靜致動一理之功夫既而登是亭也高朋
滿座勝友如雲醺毛序醺樽酒盃貳飲食以養其體宴樂以
養其和斯須之間簫鼓盈耳笑語諠譁手舞足蹈諸賓之樂
也公又不然東視行山嵐□霞坐□有平曲得神農嘉種遇
菰常熟鮮流殍之民西觀□□人物□古所金羅邦有陶唐
遺風焉南規河洛思邵程之業循序教人進德成□北瞻平
定父母之邦元趙楊李四賢遵誨簪笏後人欽仰京師
聖天子龍飛九五應天地中和之氣出口筭入交通不惟諸
賓之樂天下兆□□樂也留連不忘日夕而罷噫公之謂誰
也贈中大夫翼_字路總管呂德成之曾孫也朝請大夫陝西
漢中道肅政廉訪司副使允之孫也河中府儒學教授瑞世

之子也之屏諱口維藩者字也

大元國天曆三年歲次庚午春三月壬子朔龍溪東塾僅
菴陰陽教授王天利記

將仕郎南陽府舞陽縣主簿張德鄰并坊廊仕長者老人
等立石

本縣口口尉司人吏弓兵一十八名建

黃山匠王元等刊

按碑言泰定四年三月公指謂呂以壽陽尉來壺關守官之屏

未葺暇日登臨而望龍溪倚西北之奇壺關縣志縣境北
方有龍溪山東爲龍雨池記又云鳳凰翔東南之美縣志
北鳳凰山在縣北十五里高亭碑云故基慨然有新作之
志興建於泰定丁卯夏落成於天曆己巳秋親書其額曰

晉宵碑有縣尹孫達卿主簿劾思恭典史劉搏霄皆見登
關縣志此諸人皆以是年任之證碑言平定父母之邪元
趙楊李四賢簪笏後人欽仰平定州志趙景先六賢堂記
金季咸稱趙秉文楊雲翼兩先生爲二賢至元間知州劉
天祿併升元好問李治遂名四賢堂碑所謂四賢者指此
元末加王構呂碑云公贈中大夫冀甯路總管呂德成之
思誠爲四賢

曾孫陝西漢中道肅政廉訪司副使允之孫河中府教授
瑞世之子之屏諱也維藩字也按元史呂思誠傳字仲實
平定州人六世祖宗禮金進士遊州司戶宗禮生仲堪舉
進士仲堪生時敏時敏生釗爲千夫長死國事釗生德成
德成生允卒平定知州致仕思誠父也平定州志呂允宗
禮五世孫性剛介初任燕南按察司奏差有正定籍兵賄

主吏以避征戍允廉實正以法陳言切中時病遷漢中道
肅政廉訪司僉事致仕詔知平定州事以碑證之則之屏
允之孫思誠之從子也碑末題龍溪東塾僅菴陰陽教授
王天利記將仕郎南陽府舞陽縣主簿張德鄰并坊廊耆
老人等立石龍溪僅菴又見膳錄宣和手詔碑卽王天利
也

神霄玉清宮記

碑高一尺五寸九分廣五尺三寸三分六十五行
詔每行十六字跋每行二十字正書今在潯安府

膳錄宣和

御筆手詔

神霄玉清萬壽宮詔

御製御書

道者體之可以即至神用之可以挈天地推之可以治天下
國家可使一世之民舉得其^中恬寂常之真而躋于仁壽之
域朕思是道人所固有沉迷既久待教而興俾欲革末世之
流俗還隆古之純風蓋嘗稽參道家之說獨觀希夷之妙欽
惟

長生大帝君

青華大帝君竚道之妙立乎萬物之上統御神霄監觀萬國
無疆之休雖眇躬是荷而下民之命實明神所司迺詔天下
建神霄王清萬壽宮以嚴奉祀自京師始以致崇極以示訓
化累年于茲誠忱感格高厚博臨屬者三元入節按冲科啓
淨供風馬雲車來顧來饗震電交舉神光燭天群仙翼翼浮
空而來者或擲寶劍或麗玉篇駭聽奪目追參化元卿士大

夫侍衛之臣悉見悉聞嘆未之有咸有紀述著之簡編嗚呼
朕之所以隆振道教

帝君之所以眷命孚佑者自 帝皇以還數千年絕道之後
乃復見于今日可謂盛矣豈天之將興斯文以遺朕而吾民
之幸適見正于今日耶布告天下其諭朕意毋忽仍令京師
神霄玉清萬壽宮刻詔于碑以碑本賜天下如大中祥符故
事摹勒立石以垂無窮

宣和元年八月十二日奉

聖旨立石

王文考作魯靈光殿賦每韻興感止說聖哲之明洪景盧
作唐選德殿記每節極論古今得失紀綱法度未抑庵翁
為長春觀碑載上黨土俗好古文士以篤實才能武臣以

勇悍忠義方士以純純朴素各守其一縉紳于功名之場
俾後人持守者貴乎取信也神霄宮有道士曰劉知演長
子縣之北軍人民歸年出家禮本官宗口提點武時晏為
時執巾櫛席口修煉道業徒衆愈興公叢林首出錫嘉號
曰冲真^⑤靜大師為潞州道正賜法衣上品掌教數年又
曰同輩提點許知柔冲虛大師本州提舉李知微知宮李
知章冲靖大師董知簡本宮提舉李知常賜紫金欄體真
德靜通妙講師武知^⑥本州提舉齊知容提領本宮王知
明等管領宮中事內外成績既而許武鶴飛暇日道正語
之余曰宣和 御書手詔摹刻碑記經兵火後訪之已無
今石本金文玉軸笥中尚在遂出而觀之神筆燦然謂曰
若命工復刊諸石且覽之者不待推尋歲月自知

神霄玉清萬壽宮之梗槩也逮我

國家大元聖朝崇道通(玄)之誠意又見前代 御書至寶
不與煙塵俱滅物之廢興文之顯晦蓋亦存乎數耳

壺林龍溪東塾僅菴王天利跋

雄山逸人賈志道摹寫刻石

本宮道衆管領事務

董德義

孫德安

張德元

常德靜

程德餘

魏德新

張德忠

張德誠

董德裕

常德榮

李德溫

王德信

董德良

邢德(玄)

康德隣

李德潤

秦道順

史道靖

暴道澄

道門習業童子一十五名

勤勞人崔子忠 喬得用

大元國至順改元歲次庚午夏六月下弦癸卯吉日

冲真玄靜大師前潞州道正劉知演同知宮王得信等重立石

石匠提控王溫摹刊

按此爲宣和元年八月丙戌御製御書神霄玉清萬壽宮記見通鑑長編拾補惟長編文有刪節而此碑全錄其文則有詳略之異末云仍令京師神霄玉清萬壽宮刻記於碑以碑本賜天下如大中祥符故事摹勒立石以垂無窮皆與此同宋史本紀政和七年二月甲子詔通真先生林靈素諭以帝君降靈事辛未改天甯萬壽觀爲神霄玉清萬壽宮重和元年七月壬辰班御製聖濟經以青華帝君

八月九日爲元辰節宣和元年正月戊申日下有五色雲
皆可與此記相參證未有宣和元年八月十二日奉聖旨
文錢詹事大昕四史胡閏考八月乙亥朔十二日爲丙戌
碑與長編頌記日並合碑爲元潞州道正劉知演等摹刻
末題壺林龍溪東楚僅菴王天利跋雄山逸人賈志道摹
寫按一統志雄山在長治縣南六十里疊嶂層崖巉崖起
伏雄視諸山因名碑立至順元年六月

福田寺功行記

碑高四尺五分廣二尺四分二十
二行行六十字正書今在忻州

福田寺④教口公功行記

龍原聖齋主車指南撰

本寺講經傳戒賜紅前僧正司案牘官充本州壇主圓明

大師文聰篆額并書

蓋聞 道之原出乎天而應乎人人能弘道通以弘人然而
天無二道聖無兩心生雖殊方得道之真若合符契口余
釋迦調御者西方聖人也播玄風於大夏振至道於西乾法
流震旦教被中原始至炎漢十有四葉下及歷代繼踵而來
譯經闡教者何可縷焉是時中華曹溪派洲主皆豪庶巧談
闕論皆以佛氏為宗以及閭巷黨里梵刹浮圖巍巍相望郡
邑之內不下數百而已習俗之流祈福禳灾洋洋浩浩世之
所化豈小補哉 口口河東翼北龍崗通公孫忠智程成信
二烈侯之故邑也星分昴畢坐引胆行繫舟之陰忻觀之陽
可越半舍聚落曰東崑里有鹿苑曰福田寺時曾遘亡金廢
五星臨運

皇元聖祚洪興兵革擾攘草賊殘滅口土歲遠月遷雖有屍
口緣事弗振致蒙祖口悟嚴卞三上士者其始也協力同心
比切締構四楹七棟其久也因循異慮而停華遇繼幼者帶
證公也捐貲泉之資賴維那之助運良匠之巧募丁口之役
未季月而燦然庀矣背口口於至元壬辰福勝下院事致乖
劣敗口之僧兄義開踈狂廢口百碩之粟耕牛亦口逃匿不
返僧衆潰亂檣薦到師證叔聰二僧氣識宏遠卓竿院門輪
納元粟牛畜如故復食堂飭師叔之効也大德乙巳法堂疎
漏濕木聖像弃楮帑而結瓦口琉璃煥然完矣皇慶壬子輪口
在城天_寺萬壽輝寺固夜動念無可焚祝整囊竭廩度量口
口之簷楹豎構尋常之棟口檀那助之匠者珍之丁者役之
不日成之復安聖像過者覩禮口口辛酉賄購霜縑綵繪冥

□水陸功德一會以報國恩通弔弔者諱文證俗姓周氏木
芝北人也家世青□生而敏捷異配奇才年甫十有三投在
城天○□悟公大師薙髮為□酷嗜群經手不釋卷童顏種
像賦素敦崇遊訪明僧涉躐□□般若之奧義悟瑞應之
幽微識(玄)門之正派侍法師教總攝傳大乘之戒於師叔嚴
公和尚受(弘)教於五路總攝所之師号納□侯縣□請疏一
郡之壇主福田罷問萬壽升堂紉馳秀邑惠著龍原暮年晦
跡於元氏讀書之山晨昏無暇聞聲者虎嘯竜吟風霧起唱
和者猿啼鶴唳月星高戒法嚴□神欽鬼伏可謂吉祥至矣
乎一日遭疾輟課而世流年六十有六靈骨分瘞於合院之
塚仍樹五級之浮圖僧鴈有七焉師叔諱文聰亦受都總攝
之師号曰圓明與師協□而扶持道行功德別有序矣法嗣

講主三人曰壽秀讓各有戒行門口有四曰洪浩淵溫各法
嗣講主名位同世願之心共竭終身之苦博覽經律論之學
受持戒定慧之法與師而共結緣有義洪口師之行狀來謁
求文僕昏視固辭再三不獲姑且為之俚語哉有善不知不
明也知而不揚不仁也募工刻之翠琰休續清風貽厥後裔
故作辭曰

證公智慧兮心口奇 尊帝孝父兮心無違 戴天履地
兮心不欺 佛不在外兮心自知 一二往來兮心勿迷
摩訶般若兮心菩提

皇王聖壽兮萬億春 焚香端祝兮念牟尼 河清海宴
兮安庶黎 鐫之玉石兮休續垂

昔大元至順元年歲射庚午建行乙酉初旬有九丁巳吉

日住持僧講經賜紅沙門 義洪 義浩 義和 義溫

門人道圯 道璣 道瑞 道琪 道珉 道拱立石

福田寺院衆

祖師賜紫□□□師智恩 門人 嗣祖沙門明已

襲祖沙門□□ 講經賜紅沙門明圓 講經賜紅沙門

明溢 襲祖沙門明王 嗣祖沙門明泛 門人 讀誦

五大部經賜紫沙門惠悟 講經傳戒賜紅沙門惠容

講經傳戒都壇主沙門惠嚴 講經賜紅前僧正惠太

講經論賜紅沙門惠聚 講經賜紅沙門惠□ 講經賜

紅沙門惠演 講經傳戒賜紅沙門惠海 講經論賜紅

沙門惠通 門人 演瑜珈大教沙門文清 演瑜珈教

沙門文深 講□賜□□□文王 講經傳□□□文

證 □□紅沙門文談 傳戒□言 講主文廣 傳

戒文聰 傳戒文貴 講主文貴 講主文現 講主文

采 講主文述 講主文□ 講主文念 講主文潮

講主文志 講主文珪 講主文玉 講主文珎 門人

講主義全 傳戒義德 講主義和 講主義注 講

主義□ 講主義就 講主義祚 講主義□ 講主義

棟 講主義寶 講主義池 講主義□

都功德主敦武校尉先任龔_年路忻州達魯花赤次任承

事郎崞州達魯花赤次三任承直郎汾州達魯花赤兼管

諸軍與魯勸農事八思海牙□□人 小兀□□□ 達

□忽都魯

忻州雙堡里石匠都提領李蒙□鏐

校碑題龍原墅齋主車指南撰本寺講經傳戒賜紅前僧
正司案牘官充本州壇主圓明大師文聰篆額并書碑言
寺在繫舟之陰忻郡之陽太平寰宇記忻州秀容縣繫舟
山堯時洪水繫舟於此在縣南四十里校忻州志繫舟山
在州南三十五里昔帝堯遇水繫舟於此上人謂禹治水
繫舟有石如環軸曰繫舟鬼與方輿紀要所述不異碑有
至元壬辰云云考通鑑壬辰爲前至元二十九年與碑所
言皇元興起者年代似相允後又云大德乙巳爲元成宗
之九年至所稱寺主暮年晦跡於元氏讀書之山按中州
集元德明唐禮部侍郎次山之後自幼讀書累舉不第放
浪山水間居東山福田精舍首尾十五年東巖其自號也
是可爲碑稱東巖里有福田寺者之一證

集謂德明有集
三卷藏於家後

經好問自記稱遭亂散失今所志又謂福田寺在繫舟山
存者兄益之及門生輩所記

卽元德明讀書處中州集趙秉文繫舟山圖詩有名字不
經從我改便稱元子讀書山之句蓋謂繫舟之名不經也
碑末題都功德主敦武校尉先任冀甯路忻州達魯花赤
次任承事郎崞州達魯花赤次三任承直郎汾州達魯花
赤兼管諸軍與魯勸農事八思海牙關人小兀關達關忽
都魯此題銜歷詳累任亦碑例所僅見

五龍王感應記

碑高三尺七寸廣一尺七寸七分二十二
行行四十七字正書今在長治縣五龍山
會應五龍王感應之記

晉寧路潞州儒學正曹太素撰并篆額

鄉貢進士郡人郝庭用書

大元至順三年歲次壬申春己季矣甲天下之雄勝者莫過於河東北河東之地勢為古今天下之脊者莫隆於上黨是邑也乃倚於潞潞之為郡其亦偉歟潞之東南僅半舍之內巍乎森然有

勅賜五龍廟在焉咸有加賜王號蓋其德符於五方者也昔多應感民因立廟於理宜哉祭法曰聖王之制祭祀也能禦大災則祀之能捍大患則祀之矧魃氣為虐歲之豐凶民之生死實所繫焉豈不為之大災患也歟考諸五字為義驗諸其疇五居皇極又合於五行之數論諸河圖亦居其中然則五之為義其尚矣哉當其福祐一方民庇千里惠亦非淺變陰晴於頃刻振雲雷於頃臾風伯雨師率皆聽命然則民之所以依於神神之所以庇於民亦惟守土之官致敬竭誠齋

心板慮以感格焉是知神之為靈豈可怠忽苟且而欲傲神
之惠也比年至順庚午及辛未間雨澤失序雪瑞愆期民皆
嗷嗷物至枯槁已蒙誠意交孚神明感格殫報國之忠實憂
民之志精白一心敬詣神域凡禱雪雨則有影形之應也今
者歲舍壬申魁氣如前有奉訓大夫潞州達魯花赤李羅帖
木兒奉議大夫知州溫珪輔承事郎同知劉深州吏杜希晦
忠翊校尉上黨縣達魯花赤蠻子典史張君輔司吏李克恭
等於三月二十日謹備清酌詣廟百拜僅及三日遂雷雨大
至成霖洽旬霑濡至矣其屢禱屢應捷如桴鼓何其神驗之
速耶書曰至誠感神信不誣矣若然則龍之靈通口萬變照
鑑洞徹視之弗見聽之弗聞使人齋心盛服以承祭祀洋洋
乎如在其上如在其左右有感遂通禱之必應如卜筮之信

如符合之真如影響之敏其故何哉此神之靈也僉曰 龍
之為神其靈昭矣神之於民其惠博矣切謂神之所以靈應
者感其祈禱之誠耶祈禱之所以感於神龍之靈耶願刻石
廟著厥美焉本村鄉耆諗予為記予不獲已今忘其固陋喜
其神龍靈應感誠致雨救旱是以妄用鄙意樂括其具道之
實於是乎書謹繫以銘

備國四靈 為福九有 肅秘淵泉 威施宇宙 倏忽
變化 頃刻飛揚 緩不可測 速亦難量 掣電撐霆
震雷畢雨 乾德之符 生意之主 屢禱屢應 至
靈至神 永歆祀享 千古惟新

司廟人王立

鄉耆老人韓順等立石

從仕郎晉寧路潞州判官田忠信

承事郎晉寧路潞州同知劉深

奉議大夫晉寧路潞州知州兼管本州諸軍與魯勸農事
溫珪輔

奉訓大夫晉寧路潞州達魯花赤兼管本州諸軍與魯勸
農事李羅帖木兒

南董村石匠李仲李成李瓊李旺刊

按碑題晉甯路潞州儒學正曹太素撰并篆額鄉貢進士
郡人郝庭用書潞安府志元潞州學正曹太素元統時元
史順帝紀至順四年六月己巳卽位九月戊辰改至順四
年爲元統元年碑立至順三年元統卽其次年也碑云甲
天下之雄勝莫過於河東壯河東之地勢莫隆於上黨按

元史地理志潞州隸晉甯路晉甯冀甯大同三路皆隸河
東山西道宣慰司故潞州得曰河東碑云比年至順庚午
至辛未間雪瑞愆期已蒙誠意交孚神明感格元史五行
志至順元年七月解州蝗是此年晉甯屬郡亦有受災者
据碑則路以致禱而雪耳碑云至順壬申有奉訓大夫潞
州達魯花赤孛羅帖木兒奉議大夫知州溫珪輔承事郎
同知劉深忠翊校尉上黨縣達魯花赤蠻子並見潞安府
志志云珪輔天厯中知潞州有勸課農桑之政則亦時之
良吏也按珪輔深蠻子志注至正中及至正三年以碑首
至順三年壬申文考之則諸人實於至順時非至正至正
三年任知州諸官者張景巖諸人非珪輔等也通志金石
記暨至正碑本可證碑末題銜有從仕郎潞州判官田忠

信無鑿子餘與碑文同碑見通志金石記

松嶺寺詩碣

石高一尺三寸六分廣一尺六寸二
十三行行十八字正書今在鳳臺縣

本郡浪井申文郁書丹

延祐庚申予來澤倅嘗聞士夫談松嶺青蓮之勝切慕之勞
予宿寐未獲一觀至明年仲春上丁躬率僚吏詣天井閣釋
奠于宣聖廟既畢遂就便登此寺侍遊者縣文學張壁監稅
韓從嗣縣掾吳元振彭居安至治元年二月三日厭次劉復
亭記

南游天井閣 北登松嶺寺 溪水助悲風 煙霞引幽

意 千巖與萬壑 翠色濃如萃 硤石轉羊腸 豁然

達勝地 樓閣接岩曉 碑銘識遺墜 歲月猶可徵

彷彿見隋記 世慮滌塵襟 異景催吟思 荒辭紀類

壁 假作游行憶

公字遂初厥次人延祐戊午中明經甲科授澤州同知政績彰著嘗詣天井開祭

宣聖廟還登茲寺題壁後遷元城尹今調晉寧推官壬申四月從

朝廷錄囚官過郡父老慕公高誼知州李公用璋俾雯等錢此詩于石以紀其歲月云

至順三年夏五月吉日鄉士徐亮記

石匠趙良刊

按鳳臺縣志石刻五古一首前列小記厥次劉復亨所作稱延祐庚申爲澤倅辛酉春釋奠天井關文廟就便登此

寺有作年月後又有鄉士徐亮小記考復亨字遂初以延祐中明經甲科授澤州同知今揭本詩題至治元年二月三日厥次劉復亨按至治元年辛酉又按徐亮小記復亨授澤州同知後遷元城尹調晉甯推官壬申四月從朝廷錄囚過郡知州李公用璋鏡此詩通志金石記松嶺寺善法堂記至順三年七月晉甯推官劉復亨撰此正復亨錄囚過郡時當與此碑同立鳳臺縣志元澤州知州李用璋元氏人監稅韓從嗣名亦見職官按天井關夫子廟始見水經注澤州府志東漢建甯二年十九世孫孔昱爲洛陽令時於此立廟存饗北魏孔靈度立碑唐駕部程浩有記元至正明永樂皆重修今春秋仲月上丁日勸支款項遣訓導官往真如禮通志金石記元至正十二年有牛麟天井關文廟碑按徐亮小記

據復亨松嶺寺善法堂記碑題浪井申文郁耆丹校厥次
元隸中書省濟南路棣州今山東惠民縣治

高平歸正學田記

碑高三尺三寸廣二尺二十二行
行四十二字正書今在高平縣

有元高平縣歸正學田記

長平廟學歷前後兩令尹曰周維德郭質而始輪奐宏麗一
方勤亦至矣學褚有田奇三百畝其在唐口東澤等墅募民
耕之歲收所入供釋奠備廩餼者十有一稔於口前教諭徐
行之已立石頌其事天曆口年不意悉於州校所焚由是月
暨而歲不克矣其木鐸之音寥寥而弗振者又三易寒暑視
他邑或口德焉今年春教諭楊鐸投牒邑署以訟邑上於州
州之監尹倅判迺相與議曰是土也稽之高平口口則有考

之州校碑誌則無其為高平校官之故物也章章矣盍還所
敘而□諸俾為邑校成德達□□士之稟之□不亦可乎否
則上速矣風紀下貽譏月評豈不深可畏哉時部使者錄囚
濩澤聞而踵之仍論□其州者宜據一視之公靡循有我之
私且在彼猶在此也奚其間可楸茲邑承宣之吏恒加激昂
無再為強縱辯狡者所據于他日也嗚呼可曰仁于用心歟
一日□監也先不花尹聶思恭簿劉禮尉王守愚暨教諭楊
鐸輩來觐鄧文用紀顛末願鏡之貞珉以垂不朽先生幸筆
□無讓□日廟以觀其禮學以育其士田以給其用三者闕
一不可茲我

聖元所以風勵天下之美意然能體而行之者幾何人斯今
諸君既能體其

意而行之又能奪所據而復之延迹遐之佩衿資春夏之茲
誦養之有素而教之有方口見異時材器輩出以應

國之賓興大而丞弼小而斗食未必不權輿于口邑走雖老
尚及見之奉訓大夫晉寧路澤州知州口口虛堂王謙撰
長辛儒士元凱書丹

任戴篆額

至順三年龍集壬申夏五吉日

儒學教諭口懷楊鐸立石

典史王口仁

學諭黃賁

司吏鮑世賢李為美關仲昌劉口忠

尉吏李忠恭口長張口口

晉寧路高平縣尉王守愚

將仕郎晉寧路高平縣主簿劉禮

承事郎晉寧路高平縣尹兼管本縣諸軍輿魯勸農事聶
思恭

承事郎晉寧路高平縣達魯花赤兼管本縣諸軍輿魯勸
農事也□□花

按碑後題奉訓大夫晉甯路澤州知州闕虛堂王謙撰長

辛儒士元凱書丹任鰲篆額高平縣志元凱元鄉貢進士
有文學爲時稱譽隱居不仕以德義表率鄉閭著述窮極
天人發前賢所未發士多傳誦之證以此碑則凱兼能書
碑言長平廟學厯前後兩令尹周維德郭質而始輪奐宏
麗一方學舊有田奇三百畝募民耕之歲收所入供奠廩

教諭徐某已頌其事後經天厯敕歸州校遂致匱乏立是碑之年教諭楊鐸始訟諸邑署邑上於州州議復還所敕錄囚之部使復相與贊成其事由是田還爲長平所有蓋非諸人之力不致此監令也先不花聶思恭及簿尉等劉禮王守愚楊鐸相與乞謙記其事校縣志無質修廟學事考澤州府志高平縣米山先聖廟元延祐間知縣郭質建宋翼有記文今記載縣志記謂質字彥文真定人延祐七年來宰是邑政治大行興復米山等五十九里之文館云云周維德志亦不記其修建事據此是質好興文教之證僅稱維德橐強人今據碑可以補志之闕志又謂質復程餘所築堤障水植柳其上至今號郭公林民爲立祠是質所興學甚廣碑所云天厯年按卽元文宗年號距立碑之年云三易寒暑則天厯二年也又按澤州府志高平縣學田舊計一頃二十二畝在排泉里

與此碑頃畝不合据志稱明嘉靖則又非此碑所言之田
碑云監縣令也先不花聶思恭云云俱見府志與碑題銜
合碑題撰人王謙官爲澤州知州諸志不載可補其闕碑
立於至順三年夏五月文頗清楚可誦碑末書諸官晉甯
路高平縣尉王守愚將仕郎晉甯路高平縣主簿劉禮承
事郎晉甯路高平縣尹聶思恭承事郎晉甯路高平縣達
魯花赤也先不花皆可爲考晉故者之助澤州府志高平
縣學在縣治東南金燬元至正八年邑令劉好德建而不
及質維德修學事

志言質修高平米山
文館社學皆非廡學微此碑則質好德

修學之功其湮沒矣碑見通志金石記思恭又見平定州

志

法輪院善法堂記

碑連額高五尺一分廣二尺七寸二分二十行行四十二
字正書額題法輪院重脩善法堂記九字篆書今在鳳臺
縣

法輪禪院重脩善法堂記

濮州儒學教授張鉉篆額

法輪即古之靈巖不知何自本始隋大業中僧頭陀慧觀自
終南來賸雙峯歸峙中夷而外阻疑異境翦剌荆棘將築室
茲地得石迺靈巖遺礎因治舊基以立殿宇傳數世至後唐
燬于兵晉天福五年省常禪師重為繕構宋太平興國三年
賜以今名由教慈湛洧源而下衣鉢相繼宗風不墜金大定
二十九年洧源始立石載其本末云洧傳茂師遭冠亂適并
寺復焚蕩事寧而歸但瓦礫耳逮善公紹業居然窮蹙不得
復事事善將終呼其徒五人而諭之曰寺燬有年矣吾力寡

財殫莫克繼事俾盛蹟鬱堙久不聞况吾徒在嚴其所事無像是無教也以是誘汝勗哉無為守窮山坐孤室而已於是德蔣德海德貴德寶德英感憤散游募緣力經理數年至元二十二年建西羅漢洞又明年起前殿東觀音殿又二年修聖僧堂方丈既而蔣等相次化去獨英上人主寺至治二年春余以州倅祀孔子於天井關遂北陟松嶺造宇下周

厯游覽崖壁磧絕松蒨鬱陰翳而太行析城王屋群山隱隱可數英上人方建濃堂即前曰寺有起廢事難合并工垂成而子適至我比之之幸歟願得文以書之居數月上人介東平張鉉頻以文來請固嘗許之越明年有元城之命不果後九年夏四月余從察獄使者過澤上人需于館猶以為言豈偶然也邪堂修於延祐三年春正月成於泰定二年秋九

月中繪釋迦五士菩薩羅漢等像又創伽藍像祠齋厨庫庖
悉見完立然後像教以明聖法以尊撞鐘擊磬而衆有依歸
土木塗絜之繁丹雘黝堊之飾瓦甃鐵石傭工匠石凡費中
統鈔一萬二千貫文有奇米麦三百一十有五石可謂勤至
矣吾聞身毒之濃深而博守約而易從弘而振之存乎其人
導之以慈悲示之以因果宜乎人樂趨向之速也邇而諸夏
遠而要荒蠻夷嶺海之外莫不漸其化誦其言以漸福利其
學者宗之尊信而愈固崇敬而弗怠無一區之田十縑之積
視創一殿一閣裕如也凡天下名山勝地又悉已化而爲名
刹斯其教有不可得掩者也上人姓王氏晉城人生十年而
髡緇入寺又二十六年而受具依名僧圓公習浮圖法服勤
精力明悟了釋究群經極要興業行修潔登講席者歷年爲

僧衆仰慕補官通玄妙義大師澤州僧副事親喪毀瘠用儒者禮滋可尚也已

至順三年秋七月承直郎晉寧路總管府推官厭次劉復亨記并書丹

續碑題濮州儒學教授張鉉篆額以碑介東平張鉉以文來請訂考之則鉉東平人碑爲晉甯推官厭次劉復亨撰書法輪寺僧德壽等承其師善公之命募緣經理於至元二十二年復建成諸殿及堂至治二年復亨祀孔子於天井關陟松嶺造宇下德壽方建去堂以文爲請以元城之命不果後九年夏復亨從察獄過澤德英需館猶以爲言因爲記之又按元徐亮松嶺寺詩碣小記稱復亨授澤州同知遷元城尹調晉甯推官壬申四月從朝廷錄囚過郡

云云與此記略同碑云費中統鈔一萬二千貫有奇米麥
三百一十餘石元史食貨志中統元年十月造中統元寶
鈔其文以貫計者二曰一貫文二貫文每一貫同交鈔一
兩兩貫同白銀一兩一萬二千貫則當爲白銀六千兩亦
鉅費矣碑見通志金石記